

Schlaraffeland

musik/text: t. garcia

s'allermeischte bruchsch du ned, entscheide fallt der schwer
wünsche tuesch der nüt me, dini lischte esch scho leer
du wösstisch ned was, well du chasch alles ha

es sonderagebot verpflichtet di zom chaufe
nome nüt verpasse, jedem lockstoff nochelaufe
du besch scho räschtlos verfalle, wotsch eifach alles ha

im schlaraffeland esch alles gratis
giiz macht geil uf budget-partys
du chasch alles ha, du muesch nor säge was, ond du weisch
im schlaraffeland esch alles easy
wenn's ned längt, denn machsch es leasing
du chasch alles ha, du muesch nor säge was, ja, ja, ja

besch öppe blöd oder was? wotsch ned profitiere?
supercharte, kumuluss, ond sammelpönkt sortiere
mer gänd der foif für eis, wer cha do wederstoh?

de tüüfpriis hämmer hött uf hochglanz poliert
wer ned zueschlot esch en tobel ond het gar nüüt kapiert
du hesch scho überhaupt kei asprüch me, wotsch eifach alles ha

im schlaraffeland esch alles gratis
giiz macht geil uf budget-partys
du chasch alles ha, du muesch nor säge was, ond du weisch
im schlaraffeland esch alles easy
wenn's ned längt, denn machsch es leasing
du chasch alles ha, du muesch nor säge was, ja, ja, ja, ja
du muesch nor säge was, ond du chasch alles ha, ja, ja, ja

du weisch nöm, was du wotsch, 1000 sache i dim chopf
öberall gesch du en vorteil, wo d' am andre ort ned hätsch
hender jedem egge luured weder neui möglicheite
s'esch wie «deal or no deal», muesch di eifach nor emol entscheide

schlah jetzt zue, schlah jetzt zue
schlah jetzt zue, schlah jetzt zue
schlah jetzt zue
doch du weisch, ja du weisch
ja du weisch ganz genau

im schlaraffeland esch alles gratis
giiz macht geil uf budget-partys
du chasch alles ha, du muesch nor säge was, ond du weisch
im schlaraffeland esch alles easy
wenn s' ned längt, denn machsch es leasing
du chasch alles ha, du muesch nor säge was, ja, ja, ja, ja
du muesch nor säge was, ond du chasch alles ha, ja, ja, ja,